



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-644-110/26 J.S.
Sarajevo, 01.06.2026.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
Ul. Reisa Džemaludina Čauševića br. 1
71 000 Sarajevo

PREDMET: Odgovor, dostavlja se -

Veza: Vaš akt broj: 01-04-644-47/26 od 20.05.2026.godine

Poštovani,

u skladu sa članom 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24), dana 18.05.2026. godine, zastupnica Sebija Izetbegović uputila je zastupničku inicijativu Ministarstvu za rad, socijalnu politiku, raseljena lica i izbjeglice Kantona Sarajevo, Ministarstvu unutrašnjih poslova Kantona Sarajevo te Uredu za borbu protiv korupcije Kantona Sarajevo (u daljem tekstu: "Ured"), broj iz veze naslova. Inicijativom se u suštini otvara nekoliko zasebnih pitanja na koje se Ured u nastavku osvrće pojedinačno, uz napomenu o granicama nadležnosti Ureda i o radnjama koje Ured u vezi sa pokrenutim pitanjima može poduzeti u okviru svojih nadležnosti.

Prije svega ističemo da pitanje namjenskog, zakonitog i transparentnog raspolaganja javnim sredstvima namijenjenih zaštiti civilnih žrtava rata predstavlja pitanje od posebnog društvenog značaja. Civilne žrtve rata pripadaju kategoriji lica kojima je u skladu sa pozitivnim zakonskim propisima, država dužna pružiti poseban oblik zaštite, te svako eventualno odstupanje od propisanih pravila namijenjenih ovoj kategoriji predstavlja pitanje koje zahtijeva sveobuhvatan pristup nadzora.

1. Zakonski okvir za postupanje Ureda

Ured na osnovu Uredbe o osnivanju Ureda za borbu protiv korupcije Kantona Sarajevo ("Službene novine Kantona Sarajevo" broj: 07/24) te Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo" broj: 35/22, 44/22 i 52/22) (u daljem tekstu: "Zakon") nadležan je između ostalog za poduzimanje aktivnosti na prevenciji korupcije, prikupljanju podataka,

informacija i dokumentacije te informisanju nadležnih o uočenim radnjama koje mogu imati koruptivne elemente.

2. Postupanje Ureda po pitanjima iz odnosne inicijative

a) Transparentnost, zakonitost i kriteriji raspodjele sredstava

Dodjela budžetskih sredstava organizacijama i udruženjima civilnih žrtava rata, podliježe propisima o izvršenju budžeta te propisima resornog ministarstva kojima se utvrđuju kriteriji, postupak i mjerila za raspodjelu. Transparentnost i zakonitost dodjele cijene se prema tome da li su unaprijed utvrđeni i javno objavljeni kriteriji, da li je proveden javni poziv, da li su Odluke o dodjeli obrazložene i objavljene, te da li je zaključen Ugovor kojima se utvrđuje namjena i obaveza pravdanja utroška.

Pri tome Ured posebno ukazuje da su uvjeti, način i postupak ostvarivanja prava civilnih žrtava rata, kao i njihovo finansiranje, utvrđeni Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo ("Službene novine Kantona Sarajevo" broj: 38/14, 38/16, 44/17, 28/18, 52/21, 40/22, 13/25).

Radi utvrđivanja činjeničnog stanja po ovom pitanju a uvažavajući činjenicu da predmetnom inicijativom nije preciziran obuhvat perioda za provjere, Ured će od resornog ministarstva zatražiti dostavljanje informacija i dokumentacije za period koji se odnosi na navode iz inicijative, kao i za povezani period relevantan za adekvatno sagledavanje stanja. Isticanje pitanja će se referirati na bazi kojih propisa se vrši utvrđivanje kriterija te postupak raspodjele sredstava kao i mehanizmi kontrole implementacije istih.

b) Nadzor nad trošenjem sredstava i nalazi kontrola

Nadzor nad namjenskim trošenjem dodijeljenih sredstava primarno je u nadležnosti davaoca sredstava koji je dužan pribaviti i ocijeniti izvještaje o utrošku kao i u nadležnosti budžetske inspekcije i Ureda za reviziju institucija u Federaciji BiH. Uvažavajući pravni okvir za navedenu oblast nadzora namjenskog utroška, a to su Zakon o izvršenju budžeta u Kantonu Sarajevo, Uredba o budžetskom nadzoru u FBiH ("Službene novine FBiH" broj: 34/14) prema kojoj poslove budžetskog nadzora obavljaju budžetski inspektori ministarstva finansija, te Zakon o reviziji institucija FBiH ("Službene novine FBiH" broj: 22/06) prema kome se vrši revidiranje izvršenja budžeta kao i finansijskih izvještaja budžetskih institucija te usklađenosti sa pozitivnim zakonskim propisima, Ured će od navedenih institucija zatražiti informaciju o tome da li je i u kojem obimu vršen nadzor/revizija te da li su sačinjeni zapisnici, nalazi i kakvi su zaključci/izvještaji o obavljenom nadzoru. O pribavljenim nalazima i eventualno utvrđenim nepravilnostima ćemo Vas izvijestiti.

c) Eventualne nepravilnosti, nepostupanje po zahtjevima i zaštita prava civilnih žrtava rata

U pogledu navoda o mogućim elemntima nepravilnosti u raspodjeli sredstava, nepostupanju po službenim zahtjevima i eventualnom zanemrivanju prava i potreba civilnih žrtava rata , Ured ističe da će ukoliko prikupljenim informacijama i dokumentacijom utvrdi osnov sumnje na koruptivno ili nezakonito poslovanje postupiti u skladu sa članom 41. Zakona.

3. Zaključak

Ured će po zaprimanju navedene inicijative i u okviru svojih zakonom propisanih nadležnosti, pokrenuti postupak prikupljanja relevantnih podataka i informacija od nadležnih organa, posebno u dijelu koji se odnosi na transparentnost i zakonitost raspodjele sredstava, nadzor nad namjenskim utroškom, postupanje po konkretnim zahtjevima i prijavama te eventualne koruptivne rizike. O poduzetim radnjama i prikupljenim informacijama Ured će blagovremeno informisati Skupštinu Kantona Sarajevo.

S poštovanjem,

Dostaviti:

1. Naslovu
2. A/a

